



Indgået

- 8 FEB. 2018

Inatsisartunut ilaasortaq Anthon Frederiksen, Partii Naleraq

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Nassiunneqartog ugguuna: inatsisartut@inatsisartut.gl

Namminersornerullutik Oqartussat ingerlatseqatigiiffiutaat aamma unammilleq pillugu § 37 nr. 026-2018 naapertorlugu apeqquteqaatinut akissutit

07-02-2018
Sagsnr. 2018-374

Postboks 1601
3900 Nuuk

Tlf. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarputit Namminersorlutik Oqartussat ingerlatseqatigiiffiutaat aamma unammillerneq pillugit. Apeqqutigisatit uannit akineqartussanngorlugit innersuunneqarput, ataanilu akissutikka atuarneqarsinnaapput.

Apeqqut 1:

Pilersuisoq A/S namminersortut suliffeqarfiutaannut unammillernera Naalakkersuisut akuersaarsinnaavaat?

Akissut:

Nunatta isorartussusiata innuttaasullu siamasissumik nunassittarnerisa killilersorpaat niuernermik tunngaveqaqqissaartumik ineriartortitsisinnaaneq, suliffeqarfiit namminersortut unammillernikkut killilersugaanngitsukkut nioqqutissanut aamma kiffartuussinernut akiusussanik pilersitsivigisinnaasaat. Pilersuineramik qularnaarisarneq pisarpoq Namminersorlutik Oqartussat ingerlatseqatigiiffiutaannut sullissinissamik isumaqatigiissuteqarnikkut, innuttaasunut neqerooruteqartartunut nioqqutissanik pisariaqartunik naammattunik aamma kiffartuussinernik, naapertuuttunik akeqartitsiviusunik.

Taamaattoq Naalakkersuisut ersarissumik anguniagaraat Namminersorlutik Oqartussat ingerlatseqatigiiffiutaasa suliffeqarfinnut namminersortunut inuussutissarsiornermut naligiissumik ingerlatsinissaat qulakkiissallugu.

Apeqqut 2:

Namminersorlutik Oqartussat suliffeqarfiutaat, tassani aamma Pilersuisoq A/S, namminersorlutik suliffeqarfiutilinnut unammillersinnaatitaappaat?

Akissut:

Pilersuisoq pingaarnertut pilersuisussaatitaavoq sumiiffinni killeqartumik niuernikkut tunngavilinnik ingerlatsiviusinnaasuni. Pilersuisoq inissisimanermini pissutigalugu unammillernermik naapertuutinngitsumik ingerlatseqqusaanngilaq.

Apeqquut 3:


Apeqquut 2-imut tunngatillugu pisortat suliffeqarfiutaasa namminersortut suliffeqarfiutaannut unammillinnginnissaat pillugu inatsiseqarjaa, imaluunniit immikkut aaliangersagaqarjaa?

Akissut:

Inatsiseqanngilaq imaluunniit aalajangersagaqanngilaq inerteqquteqartunik Namminersorlutik Oqartussat ingerlatseqatigiiffiutaasa namminersortut suliffiutaannut unammillinnginnissaannik imaqartunik.

Nioqqutissanik pilersuineq pillugu Namminersorlutik Oqartussanut sullissinissamik isumaqatigiissummi ersippoq sullissinermut isumaqatigiissut naapertorlugu ingerlatat aamma sullissinermut isumaqatigiissutip avataani ingerlatat akornanni aningaasalersuisoqarsinnaanera pisinnaanngitsoq. Tamatuma kinguneraa nioqqutissanut aamma sullissinernut aningaasartuutit niuernermi unammillerfusinnaasumi tunniunneqarsinnaanngitsut niuernermut kisermaassiffiusumut, suliassaqarfiit taakkua akimorlugit aningaasalersuisoqaqqusaanngimmat, unammillernermik innarliisinnaasumik.

Inussiarnersumik inuulluaqqusillunga


Hans Enoksen